

Na osnovu člana 98. Zakona o visokom obrazovanju (Prečišćeni tekst) („Službene novine Tuzlanskog kantona“, broj: 21/21, 22/21, 5/22, 11/22 i 16/22), člana 52. stav 1) tačka n) Statuta Univerziteta u Tuzli, Odluke Senata Univerziteta u Tuzli o broju studenata za upis u prvu godinu prvog i integriranog prvog i drugog ciklusa studija, te drugog i trećeg ciklusa studija na fakultete/Akademiju Univerziteta u Tuzli u akademskoj 2024/25. godini broj: 03- 3305-1-15/24 od 12.06.2024. godine, Odluke o raspisivanju konkursa za upis studenata na treći ciklus studija na fakultete Univerziteta u Tuzli u akademskoj 2024/25. godini broj: 03-3305-1-15.3/24 od 12.06.2024. godine, Odluke Upravnog odbora Univerziteta u Tuzli o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli, a uz prethodnu saglasnost Vlade Tuzlanskog kantona broj: 02/1-34-15007-2/24 od 12. 06. 2024. godine, raspisuje

**K O N K U R S**  
**ZA UPIS STUDENATA NA TREĆI CIKLUS STUDIJA**  
**NA FAKULTETE UNIVERZITETA U TUZLI U AKADEMSKOJ 2024/25. GODINI**

Član 1.

Na fakultete Univerziteta u Tuzli u akademskoj 2024/25. godini na treći ciklus studija upisat će se sljedeći broj studenata, *u statusu studenata koji se sami finansiraju*:

Red. br.	Naziv fakulteta Studijski program/Usmjerenje	Treći ciklus	
		minimalno	maksimalno
1.	<b>Edukacijsko-rehabilitacijski fakultet</b>	<b>2</b>	<b>20</b>
	• Specijalna edukacija i rehabilitacija	2	20
2.	<b>Ekonomski fakultet</b>	<b>2</b>	<b>10</b>
	• Ekonomija i biznis*	2	10
3.	<b>Fakultet elektrotehnike</b>	<b>2</b>	<b>10</b>
	• Elektrotehnika i računarstvo*	2	10
4.	<b>Fakultet za tjelesni odgoj i sport</b>	<b>2</b>	<b>5</b>
	• Kineziologija	2	5
5.	<b>Farmaceutski fakultet</b>	<b>2</b>	<b>10</b>
	• Farmaceutske znanosti	2	10
6.	<b>Filozofski fakultet</b>	<b>10</b>	<b>35</b>
	• Lingvistika	2	15
	• Komunikologija	2	5
	• Historija Bosne i Hercegovine u 19. i 20. stoljeću	2	5
	• Socijalni rad	2	5
	• Psihologija	2	5
7.	<b>Mašinski fakultet</b>	<b>2</b>	<b>15</b>
	• Studijski program trećeg ciklusa studija iz područja mašinstva*	2	15
8.	<b>Medicinski fakultet</b>	<b>2</b>	<b>20</b>
	• Biomedicina i zdravstvo	2	20
9.	<b>Pravni fakultet</b>	<b>2</b>	<b>10</b>
	• Doktorski studij iz područja prava	2	10
10.	<b>Prirodno-matematički fakultet</b>	<b>6</b>	<b>30</b>

	• Geografija	2	10
	• Biologija	2	10
	• Primijenjena hemija	2	10
11.	<b>Rudarsko-geološko-građevinski fakultet</b>	<b>6</b>	<b>12</b>
	• Rudarstvo	2	4
	• Geologija	2	4
	• Hidrotehnika	2	4
12.	<b>Tehnološki fakultet</b>	<b>4</b>	<b>12</b>
	• Studijski program trećeg ciklusa/doktorskog studija iz biotehničkih nauka- područje agronomije	2	5
	• Studijski program trećeg ciklusa doktorskog studija	2	7
13.	<b>Prirodno-matematički i Tehnološki fakultet</b>	<b>2</b>	<b>10</b>
	• Primijenjena hemija (zajednički doktorski studij)	2	10
	<b>UKUPNO:</b>	<b>44</b>	<b>199</b>

**\*Na studijskim programima upisani studenti imaju mogućnost odabira ponuđenog usmjerenja iz studijskog programa u odgovarajućoj studijskoj godini/semestru.**

#### Član 2.

Pravo upisa na studijske programe trećeg ciklusa imaju kandidati državljanji Bosne i Hercegovine, strani državljanji i lica bez državljanstva koji ispunjavaju uslove utvrđene studijskim programima fakulteta, a koji su odgovarajuću diplomu o završenom prethodnom ciklusu studija stekli na akreditovanoj visokoškolskoj ustanovi.

Rangiranje kandidata vrši komisija koju imenuje Vijeće doktorskog studija, a na osnovu uspjeha ostvarenog na prethodnom ciklusu studija (prosječna ocjena zaokružena na dvije decimale) i drugih kriterija utvrđenih studijskim programom fakulteta.

#### Član 3.

**Prijava na konkurs podnosi se u roku od 19. 06. do 27. 09. 2024. godine.**

**Privremena rang-lista kandidata objavit će se 30. 09. 2024. godine.**

**Konačna rang-lista objavit će se 04. 10. 2024. godine.**

**Upis primljenih kandidata obaviti će se od 07. 10. do 11. 10. 2024. godine.**

#### Član 4.

Uz prijavu na Konkurs, na propisanom obrascu, kandidat prilaže:

- Original ili kopiju diplome o prethodno završenom odgovarajućem drugom ciklusu studija/integriranog prvog i drugog ciklusa studija (Medicinskog i Farmaceutskog fakulteta )/postdiplomskog studija ovjerenu kod nadležnog općinskog organa ili notara, a uvjerenje o završenom studiju u slučaju da visokoškolska ustanova još nije izdala diplomu;

- Uvjerenje visokoškolske ustanove o dužini trajanja studija iz prethodne alineje, kao i dodatak diplomi za lica koja su završila drugi ciklus studija po Bolonjskom sistemu studiranja;

- Uvjerenje o uspjehu na postdiplomskom studiju (kandidati koji su završili studij po ranijem sistemu studiranja);

- Izvod iz matične knjige rođenih;

- Uvjerenje o državljanstvu, ne starije od 6 mjeseci.

#### Član 5.

Kandidati koji su diplomu integriranog prvog i drugog ciklusa studija/drugog ciklusa/postdiplomskog studija stekli u inostranstvu, imaju pravo učešća na Konkursu i prije izvršenog priznavanja inostrane diplome, s tim da su u obavezi uz prijavu na Konkurs priložiti potvrdu Ureda za međunarodnu i međuuniverzitetsku saradnju Univerziteta u Tuzli da su podnijeli zahtjev za akademsko priznavanje inostrane diplome u svrhu nastavka obrazovanja.

Obrazac Zahtjeva za akademsko priznavanje inostrane kvalifikacije u svrhu nastavka obrazovanja na Univerzitetu u Tuzli može se preuzeti na web stranici [www.untz.ba/Konkurs](http://www.untz.ba/Konkurs).

#### Član 6.

Studenti trećeg ciklusa studija (državljeni BiH, strani državljani i lica bez državljanstva) upisani u akademskoj 2024/25. godini, plaćaju školarinu u visini utvrđenoj Odlukom Upravnog odbora Univerziteta u Tuzli (dostupna na [www.untz.ba](http://www.untz.ba)) i Odlukom Vlade TK ("Službene novine Tuzlanskog kantona", broj: 7/19) [https://skupstina.tk.gov.ba/Dokumenti/sl\\_novine/2019/sluzbene%20novine\\_7-2019\\_WEB.pdf](https://skupstina.tk.gov.ba/Dokumenti/sl_novine/2019/sluzbene%20novine_7-2019_WEB.pdf).

Kandidati koji su prije upisa na treći ciklus studija stekli naučni stepen magistra plaćaju školarinu u manjem iznosu, utvrđenom Odlukom nadležnog organa Univerziteta, u skladu sa studijskim programom.

#### Član 7.

Rang-lista kandidata objavljuje se na **oglasnoj ploči** fakulteta i web stranici Univerziteta pod šifrom kandidata.

Na objavljenu privremenu rang-listu kandidati mogu uložiti pismeni prigovor naučno-nastavnom vijeću fakulteta, a isti se predaje putem studentske službe fakulteta, u roku od 3 dana od dana objavljivanja privremene rang-liste.

Konačnu Odluku po prigovoru donosi naučno-nastavno vijeće fakulteta koju dostavlja podnosiocu prigovora.

Konačna rang-lista objavljuje se na oglasnoj ploči fakulteta i web stranici Univerziteta, sa naznakom šifre kandidata koji su ostvarili pravo na upis.

Upis primljenih kandidata vrši se na osnovu konačne rang-liste.

#### **Primljeni kandidati pri upisu prilažu :**

- Popunjen upisni materijal: prijavni list, upisni list, semestralni list i upisnicu indeks, te dvije kolor fotografije formata za indeks;
- Ljekarsko uvjerenje (osim za upis na Fakultet za tjelesni odgoj i sport koji su ga priložili uz prijavu);
- Kopiju uplatnice o uplati školarine za upis u prvi semestar;
- Rješenje o akademskom priznavanju inostrane isprave kandidati kojima je u postupku akademskog priznavanja inostrane diplome utvrđeno da imaju završeno adekvatno obrazovanje.

#### Član 8.

Prijave na Konkurs sa potrebnom dokumentacijom podnose se do **27. 09. 2024. godine**, putem studentske službe fakulteta ili preporučeno putem pošte, na adresu fakulteta, sa naznakom „**Prijava na Konkurs za upis na treći ciklus studija**“.

Obrazac prijave na Konkurs može se preuzeti na web stranici Univerziteta [www.untz.ba](http://www.untz.ba) ili u Skriptarnicama Univerziteta na Tehnološkom i Medicinskom fakultetu.

**Neblagovremene i nepotpune prijave neće se uzeti u razmatranje.**

Detaljnije informacije o studijskim programima, uslovima upisa, te pregledu potrebne dokumentacije koja se obavezno prilaže uz prijavu, dostupne su na web stranici i studentskoj službi fakulteta.

Upisani kandidati zaključuju sa Univerzitetom ugovor o studiranju.

Po završetku trećeg ciklusa studija stiče se **diploma doktora nauka** u skladu sa Spiskom akademskih titula, naučnih i stručnih zvanja koja se mogu sticati na visokoškolskim ustanovama u Tuzlanskom kantonu („Službene novine TK“, broj: 14/17, 11/18, 11/20, 17/20 i 8/23).